

Obavijest o Odluci visokog predstavnika da ukine zabranu izrečenu Milanu Bogičeviću Odlukom visokog predstavnika, od 30. lipnja 2004.

Svojom Odlukom od 30. lipnja 2004. godine ("Odluka iz 2004. godine"), visoki predstavnik je smijenio sa javne dužnosti gospodina Milana Bogičevića. Navedenom Odlukom također je zabranjeno g. Milanu Bogičeviću vršenje bilo koje zvanične, izborne ili imenovane javne dužnosti, kandidiranje na izborima i obnašanje dužnosti u političkim strankama ("zabrana"). Odlukom iz 2004. godine je dalje izričito utvrđena mogućnost ukidanja zabrane prema isključivom nahođenju visokog predstavnika.

Temeljem pažljivog razmatranja predmeta g. Bogičevića i nakon što je zaključeno da više ne postoje razlozi za njegovo smjenjivanje, te da on više ne predstavlja prijetnju za provedbu mira, institucionalnu cjelovitost odnosno demokraciju u Bosni i Hercegovini, odlučio sam ovu zabranu ukinuti. Milanu Bogičeviću se ovim izričito dozvoljava vršenje zvanične, izborne ili imenovane javne dužnosti, kandidiranje na izborima i obnašanje dužnosti u političkim strankama.

Ovakav ishod opravdavaju načela pravednosti, pravilnog upravljanja i razboritog ispunjavanja međunarodnog mandata visokog predstavnika, kojima se uzima u obzir ravnoteža između zaštite državne stabilnosti i prava pojedinaca.

Ovom Odlukom ne dovodi se u pitanje validnost odluke iz 2004. godine. Ovom Odlukom se ne ovlašćuje g. Bogičević da se automatski vrati na dužnosti sa koje je smijenjen temeljem

Odluke iz 2004. godine. Također, ovom Odlukom, njemu se ne daje pravo na odštetu po osnovu bilo koje naknade, drugih oblika neostvarenih novčanih beneficija ili privilegija odnosno statusa koje je izgubio kao rezultat Odluke iz 2004. godine.

Ova Odluka ne predstavlja amnestiranje nego prospektivno ukidanje Odluke iz 2004. godine. Odluka iz 2004. godine se ne briše i ostaje kao integralni dio zakonodavne evidencije Bosne i Hercegovine.

Ovom Odlukom se ne utječe na pravo visokog predstavnika da ponovo smijeni g. Bogičevića ukoliko se ustanovi da je isti, tijekom budućeg vršenja javne dužnosti, prekršio svoju prisegu da će poštivati Ustav Bosne i Hercegovine i postupati u skladu s Općim okvirnom sporazumom za mir u Bosni i Hercegovini, prisegu koja je slobodno data kao uslov koji prethodi ukidanju zabrane.

Ukoliko su odredbe ove Odluke u suprotnosti sa domaćim zakonodavstvom u svezi sa bilo kojim od predmeta koji su njom obuhvaćeni, ova Odluka će biti mjerodavna. Odluke visokog predstavnika imaju veću pravnu snagu i prednost u odnosu na domaće zakonodavstvo koje je s njima u suprotnosti. Ovom zakonodavnom izjavom se deklarativno obuhvataju postojeće i buduće odluke visokog predstavnika.

Ova Odluka stupa na snagu odmah i ne zahtijeva poduzimanje nikakvih dodatnih proceduralnih radnji.

Ova Odluka se objavljuje odmah u "Službenom glasniku Republike Srpske".

Sarajevo, 4. studenog 2005.

Paddy Ashdown

Visoki predstavnik